



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LEKUCALA (P1)

INDLOVANA/INDLOVULENKHULU 2014

EMAMAKI: 80

SIKHATSI: 2 ema-awa

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniswe tigaba LETINTSATFU:
SIGABA A: Sivisiso (30)
SIGABA B: Sifinyeto (10)
SIGABA C: Luhlelo nelulwimi (40)
2. Fundza TONKHE ticondziso ngekucopelela.
3. Phendvula YONKHE imibuto ngeSiswati.
4. Cala LESO NALESO sigaba ekhasini LELISHA.
5. Dvwebela ekugcineni kwaleso naleso sigaba.
6. Tinombolo tetimphendvulo atihambisane naleto letisephepheni lemibuto njengobe tinjalo.
7. Shiya umugca emkhatsini wetimphendvulo takho.
8. Bhala ngebunono nangesandla lesifundzekako.
9. Caphelisisa sipelingi/lupelomagama nendlela lewakha ngayo imisho.
10. Kwehlukaniswa kwesikhatsi:
SIGABA A: 45 emaminithi
SIGABA B: 30 emaminithi
SIGABA C: 45 emaminithi

SIGABA A: SIVISISO

UMBUTO 1

1.1 Fundza lethekesthi lelandzelako bese uphendvula imibuto letawulandzela.

ITHEKSTHI A

KUDLA KWESINTFU

Ecinisweni kudla kusisekelo sayo yonkhe imphilo kulomhlaba. Loko kusho kona kutsi kudla kuyimphilo. Umuntfu uba nguloko lakudlako lokwakha umtimba wakhe. Nangabe umuntfu angadli ngedlela lefanele nemphilo ayibi ngulejabulisako, uvamisa kuphatfwa tifana nje njengemkhuhlane noma amdzala. Loko kubangelwa kungacini kwemtimba ngenca yekutsi akakutfoli kudla lokunemphilo.

Bantfu labadla kudla lokucinisa umtimba kuphindze kuwuvikele etifeni letinyenti ngulabo labadla kudla kwesintfu. Phela kudla kwesintfu ngiko lokunemphilo nemsoco. Kuletinsuku bantfu labanyenti batsi basilungu, abasakudli lokudla bekudliwa ngubokhokho. Abasakwati kutsi kukhona sentangabomu, sidvudvu, timbabe nalokunye lesekusele etincwadzini kuphela.

Imphilo lendze itfolakala kulokudla kwesintfu. Lijaha nje lelibhasha imbasha nalivuka, ngeke ulikhandze liyokhipha ematinyo ngobe sekabolile. Bantfu labanyenti, ngisho nebantfwana labancane sebaphetfwe tifo tenhliyo ngenca yekudla kudla lokugcwele emafutsa onkhe emalanga ngobe batsi baphucukile. Emantongomane akasatiwa kutsi ayawuvangela umbhidvo ngobe bantfu batsi wona emantongomane asidzala.

Umuntfu uyifinyeta yena ngekwakhe imphilo yakhe ngendlela ladla ngayo. Kudla inyama kakhulu akusiko kuphucuka njengobe bacabanga labanye bantfu. Lona lodla umbhidvo bamvela buhlungu bacabange kutsi uyahlupheka, kantsi abati kutsi imphilo ilapho. Umtimba wemntfwana lodla emafutsa onkhe emalanga awuphici, uvele ubemkhulu kuneminyaka yakhe yekutalwa. Lokumele kucashelwe bantfu kutsi noma kudla kwesilungu kukhona, abetayeke kubilisa kunekutfosa ngobe ngiwo lamafutsa lokutfoswa ngawo labese adala tifo letehlukene emtimbeni.

Kubalulekile-ke kutsi umuntfu ngamunye anakekele imphilo yakhe ngekutsi adle kudla lokufanele umtimba wakhe. Phela kuvikela kuncono kunekutsi umele kutsi tifo tikungene bese kuba ngukhona ucala kulwa nato. Sifo singena lula kodvwa kuphuma kwaso kubalukhuni kakhulu. Betemphilo nabo bakhutsata kutsi bantfu badle kudla lokunemaseko lamatsatfu kute bahlale baphilile. Bantfu-ke abevisise nabatjelwa, bangafuni kukholwa ngekubona.

Kubamatima nasekusho dokotela kutsi umuntfu akanciphise kudla lokutsite njengenyama, sawoti, shukela nalokunye lakutsandzako. Kuhle kutsi umuntfu atetayete kutsi umtimba wakhe nguloko lakudlako.


Lokubaluleke kakhulu nguko kutsi bantfu babuyele emvelweni yabo, badle kudla kwesintfu kute bahlale baphilile. Loku kutawusita kutsi baphile sikhatsi lesidze njengabokhokho, lokutsiwa bebaphila bate batfwalwe ngetikhumba solo banawo ematinyo abo. Lomuhla umntfwana utsi atalwa abe sekakhishwa ematinyo ngobe asabolile.

[Lulwimi Lwasekhaya Libanga 11 likhasi 92]

- 1.1.1 Ubanjani umntfu longadli ngalokufanele?
(Khetsa YINYE imphendvulo)
- A Uba nesifo sengculazi.
B Sikhumba sakhe siba busheleleti.
C Umtimba wakhe awucini.
D Uvilapha kufuna umsebenti. (1)
- 1.1.2 Nika lunye luhlobo lwekudla kwesintfu lolubalwe kuletheksthi. (1)
- 1.1.3 Kubangelwa yini kutsi bantfwana labancane baphatfwe sifo senhlitiyo? (1)
- 1.1.4 Ematinyo elijaha aciniswa yini? (1)
- 1.1.5 Ngukuphi kudla lokumele umntfu akunciphise kute aphile kahle ngekusho kwabodokotela kuletheksthi? (1)
- 1.1.6 Umntfu longadli kahle uma sifundza letheksthi uvamise kungenwa ngusiphi sifo? (1)
- 1.1.7 Umntfu kufanele enteni kute umtimba wakhe uhlale uphilile? Bhekisa kuletheksthi lengenhla. (1)
- 1.1.8 Betemphilo bakhutsatani mayelana nemphilo yemntfu? (1)
- 1.1.9 Chaza lenkhulumo lengentasi letfolakala kuletheksthi?
'Bebaphila bate batfwalwe ngetikhumba solo banawo ematinyo abo.' (2)
- 1.1.10 Kusho kutsini nakutsiwa bantfu batawukholwa ngekubona ngobe abavisisi? (2)
- 1.1.11 Bhala KUBILI lokungenteka ebantfwini labangatfoli kudla lokunemsoco. (2)
- 1.1.12 **Kungumbono** nobe **kuliciniso** kutsi uma umntfu adla kudla kwesintfu uhlala aphilile? (2)
- 1.1.13 Inyama inemphilo nawuyidla ngalokwendlulele. Wena utsini? Nika liphuzu LINYE. (2)
- 1.1.14 Niketa sifundvo lesingatfolakala kuletheksthi lengenhla. Bhala emaphuzu LAMABILI. (2)

1.2 Bukisisa lesitfombe bese uphendvula imibuto letawulandzela.

ITHEKSTHI B



[Sibani SeMaswati, Libanga 11, likhasi 139]

- 1.2.1 Ngukuphi lokubi lokwenziwa ngulabantfu labasesitfombeni?
(Khetsa YINYE imphendvulo.)
- A Benta umsebenti wesikolo.
 - B Basebentisa tidzakamiva.
 - C Bakhangisa ngetimphahla.
 - D Badlala ibhola. (1)
- 1.2.2 Bhala SINYE sidzakamiva lesikulesibonwa. (1)
- 1.2.3 Ngusiphi sifo lesingangena labantfu labakulesitfombe ngekusebentisa tidzakamiva? (1)
- 1.2.4 Bangasitakala kanjani bantfu labasebentisa tidzakamiva? Bhala liphuzu LINYE. (1)
- 1.2.5 Ngabe **kuliciniso** nobe **liphutsa** yini kutsi emantfombatane nawo ayatisebentisa tidzakamiva nasilandzela lesibonwa? Sekela ngeliphuzu LINYE. (2)
- 1.2.6 Bagcina ngani bantfu labasebentisa tidzakamiva? Shano emaphuzu LAMABILI. (2)
- 1.2.7 Ngabe kuyintfo lenhle yini kusebentisa tidzakamiva embikwe-bantfwana? Nika sizatfu SINYE. (2)

SAMBA SIGABA A: 30

SIGABA B: SIFINYETO**UMBUTO 2**

Fundza lethekesthi lelandzelako bese ubhala tintfo letisikhombisa letimayelana nekuvula libhizinisi.

TICONDZISO

1. Bhala emaphuzu LASIKHOMBISA ngemisho legcwele ngemagama LANGENGCI kulange-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C**KUVULA LIBHIZINISI LAKHO**

Kuvula libhizinisi kufuna umcondvo lojulile. Kunetintfo letisemcoka lokufuneka utibuke kucala nawufuna kuvula libhizinisi. Ungacabanga nje kutsi nhloboni yelibhizinisi lofuna kulivula ngekubuka ematfuba emakethe nalamanye emabhizinisi latawuncintisana nalo. Phela loku kusita kutsi ungavuli libhizinisi lelitawuphelela endleleni ngobe bantfu bangalisekeli.

Luhlaka lwakho lwekucala libhizinisi kufanele lusabalale kakhulu kute lube netintfo letinsha ngaphasi kwalomkhakha lelikuwo. Loku kungaliletsela emakhasimende lamanyenti libhizinisi lakho. Phela loluhlaka ngilo lolukhangisa lelibhizinisi, libe libalavemcondvo lekutsi lisukaphi futsi liyaphi. Lokungumgogodla wekumisa libhizinisi yimali yekulisusa phasi. Nome umcondvo wakho wekuvula libhizinisi ungabamuhle njani, kepha nangabe ingekho imali yekulicala, konkhe kulite ngicinisile. Tindzawo takitsi letibolekisa ngemali tikubeke kwacaca kutsi titimisele kangakanani kubona bantfu batibophelele ekukhuliseni umnotfo walelive, ngisho nalabasikati imbala.

Kumele ucabange ngeluhlobo lwebunikati belibhizinisi lofuna kulivula. Loku phela ngulokunye lokutawuletsa sitfombe sekutsi utawuboleka imali lengakanani. Kumele kuvele kutsi bobani banikati belibhizinisi. Kungaba ngumuntfu munye, bantfu lababambisene nobe inkampani. Libhizinisi lemuntfu munye alidzingi imali lenyenti kufana nalamanye.

Imakethe-ke ingumgogodla lomkhulu ebhizinisini lese licalawe. Ligama lelitsi imakethe kutemabhizinisi netemnotfo, lisho kudzingeka lokukhona nome lokungabakhona kwemkhicito nome loko lokusuke kutewutsengiswa. Akubukwe kutsi bangaki bantfu labafuna kutsenga loko lotawube ukutsengisa. Akubukwe nekutsi nguwaphi lamanye emabhizinisi latsengisa loko lotawube ukutsengisa nawe.

Kubalulekile futsi kutsi ucale utfole tifundvo nome kuceceshwa ngaphasi kwalolo hlobo lwelibhizinisi lofuna kungena kulo. Loku kutawenta kutsi ukhone kuvikela tinkinga nalobunye bumatima ekuchubeni lelibhizinisi. Nasewuhlele kahle konkhe ngekucala libhizinisi lakho kumele uyewutfole imvume kumasipala wangakini lapho utawulivula khona. Tikhona naletinye tindzawo lapho kusafanele ubhalise libhizinisi lakho.

[Ihunyushwe kuStar, 12 February 2013, likhasi 17]

SAMBA SIGABA B: 10

SIGABA C: LUHLELO NEKUSETJENTISWA KWELULWIMI

UMBUTO 3: SIKHANGISI

Fundza lesikhangisi lesingentasi bese uphendvula imibuto letawulandzela.

ITHEKSTHI D

HLAKANIPHA NGEMASI INKOMAZI!



INKOMAZI®

INOTSILE NGEMAFUTSA NAKHILIMU




EMASI LANEMAFUTSA

- Emasi Inkomazi amnandzi.
- Anambitseka kamnandzi.
- Enta umuntu ahlakani phe, abe nemandla futsi aphumelele etifundweni takhe.
- Alwa netifo letinyenti emtimbeni.
- Anekhalisiyamu legcina ematsambo emuntu acinile.
- Tsenga emasi Inkomazi ngobe isesengiyo ayikagucuki!
- Phutfuma esitolo lesidvute sangakini ungaphutselwa!

- 3.1 Sitsini sicubulo salesikhangisi? (1)
- 3.2 Yini lecinisa ematsambo emuntfu?
Khetsa YINYE imphendvulo.
- A Ivithamini D
B Ikhalsiyamu
C Ivithamini C
D Emaphrotheni (1)
- 3.3 Yini lengenta kutsi bantfu batsenge emasi Inkomazi? Bhala kube KUNYE. (1)
- 3.4 Kubangelwa yini kutsi leligama 'INKOMAZI' libhaleke ngemagama lamnyama lamakhulu? Nika LINYE liphuzu. (1)
- 3.5 Lenkhulumo lengentasi ingamkhohlisa njani umtsengi?
'Emasi Inkomazi enta umuntfu ahlakaniphe'. (2)
- 3.6 Ngabe **ngumbono** nobe **liciniso** kutsi bantfu labadla emasi Inkomazi abavikela esifweni sematsambo? Sekela ngeliphuzu LINYE. (2)
- 3.7 Kubaluleke ngani kutsi batsengisi bakhangise ngemikhicito yabo? Nika emaphuzu LAMABILI. (2)
- [10]**

UMBUTO 4: IKHATHUNI

Fundza lekhathuni bese uphendvula imibuto letawulandzela.

ITHEKSTHI E

[City Press, 30 Septemba 2012]

- 4.1 Tsatsa ligama 'tintsambo' lelitfolakala efreyimini ye-1 uliyise ebunyeni. (1)
- 4.2 Shano kutsi lomusho longentasi ukuyiphi **indlela yesento**.
'Musa kugubha umgodzi.'
Khetsa YINYE imphendvulo.
- A Indlela leyamile.
B Indlela lecondzile.
C Indlela lephocako.
D Indlela yesimo. (1)
- 4.3 Efreyimini ye-3 kunemusho loneligama **lelisiphawulo** likhokhe ulibhale phasi. (1)

- 4.4 Dvwebela sento **lesisemphambosini yekwentela** kulomusho longentasi:
'Shayela emaphoyisa lucingo uma ubona tigebengu tintjontja.' (1)
- 4.5 Efreyimini ye-3 kuneligama **lelikhomba indzawo**. Likhokhe utakhele wakho umusho. (2)
- 4.6 Bhala lomusho lolandzelako ube **yinkhulumongco**.
Msweli utsi bantfwana abayekele kudlalela ebhokisini lagezi. (2)
- 4.7 Yini lesefreyimini ye-3 lefakazela kutsi bantfwana bangafa nabadlala ngagezi? (2)
- [10]

UMBUTO 5: IPHROZI

- 5.1 Fundza lethekesthi lelandzekako bese uphendvula imibuto letawulandzela.

ITHEKSTHI F

Njalonje ngesikhatsi semaholide akhisimusi umndeni wakaDlamini usuka esifundzeni saseMpumalanga uvakashele sifundza saKaZulu-Natali. IKaZulu-Natali inkhulu ngangelulwandle. Umndeni wakaDlamini uganyile. Kunetizatfu letenta kutsi lomndeni uvakashele KaZulu-Natali. Bantfu bakholelwa kutsi uma uke wabhukusha elwandle uba nenhlanhla yekutsi tintfo takho tikuhambele kahle, njengekutsi uma ungomabhizinisi libhizinisi lakho lidvonsa bantfu lingenise imali. Umuntfu lofuna umsebenti usheshe awutfole, kantsi lofuna umendvo naye uyawutfola. Labanye bantfu baba nenhlanhla yekubamba i-Lotto nemahashi. Nobe kunjalo sifundza saseMpumalanga sinato tindzawo tekuvasha letinjengesiciwi setinyamatane i-Kruger National Park, God's Window kanye netindzawo letinelibhudlo. Umuntfu utsi angakangeni egedeni lesiciwi setinyamatane akhangwe tinhlobonhlobo tetitselo letitsengiswa bomake. Bacinisile uma batsi sikhutsali sidla kukhutsala kwaso. Phela Emaswati atigcabha ngebuve bawo nemasiko. Emaswati alikhontile lisiko lenwala. Tidzandzane tesifundza saseMpumalanga tikhuliseke kahle kwendlula taletinye tive futsi tihle tililanga liphuma. Angisayiphatsi phela yemasiko esive seMaswati, awedlula ekudzeni emasiko aletinye tive. Phela tekuvakasha tihamba embili kulesifundza kungako bantfu labanyenti bavakashela lesifundza.

[Icanjwe nguV Macingwane]

- 5.1.1 Shano kutsi ligama lelibhalwe ngalokucindzetelwe kulomusho longentasi lishoni.
Libhizinisi lakho **lidvonsa** bantfu.
Khetsa YINYE imphendvulo.

- A Liheha bantfu.
B Libulala bantfu.
C Lihlekisa bantfu.
D Licosha bantfu.

(1)

- 5.1.2 Bhala **mcondvofana** waleligama lelibhalwe ngalokucindzetelwe.
(Bhala imphendvulo kuphela.)
Umndeni wakaMaseko **uvakashela** sifundza saseMpumalanga. (1)
- 5.1.3 Bhala ligama **leliphikisa** leli lelibhalwe ngalokucindzetelwe
kulomusho longentasi.
(Bhala imphendvulo kuphela.)
Labanye bantfu baba **nenhlanhla**. (1)
- 5.1.4 **Nciphisa** leligama lelibhalwe ngalokwehlukile emshweni
lotawulandzela.
(Bhala imphendvulo kuphela.)
'Kungako **bantfu** labanyenti bavakashela lesifundza.' (1)
- 5.1.5 Kuletheksthi lengenhla tomula umusho **lonesifanisongco**
uwubhale phasi bese uyasidvwebela. (2)
- 5.1.6 Bhala MUNYE umusho **lonemanga/lonekuyenga** kuletheksthi. (2)
- 5.1.7 Chaza leligama lelibhalwe ngalokwehlukile kulomusho longentasi.
Uma ungusomabhizinisi **libhizinisi** lakho alibe newozawoza. (2)
- 5.1.8 Bhala MUNYE umusho locuketse **imfundziso lengemanga** bese
udvwebela lawo magama. (2)
- 5.1.9 Ngabe **ngumbono** nobe **liciniso** kutsi sikhutsali sidla kukhutsala
kwaso? Sekela imphendvulo yakho. (2)

5.2 Fundza lesitfombe lesilandzekako bese uphendvula imibuto letawulandzela.

ITHEKSTHI G



- 5.2.1 Bhala **mcondvophika** waleligama lelidvvetjelwe enkhulumeni ye-1. (1)
- 5.2.2 Bhala umusho locuketse **sisho** lotfolakala enkhulumeni ye-2. (1)
- 5.2.3 Bhala **mcondvofana** waleligama lelidvvetjelwe enkhulumeni ye-3. (1)
- 5.2.4 Enkhulumeni ye-6 kunemusho **lonasinongo senkhulumo** lesikhombisa sifanisongco. Wubhale phasi lomusho. (1)
- 5.2.5 Tsatsa ligama lelidvvetjelwe enkhulumeni ye-6 utakhele umusho **ukhombe bunyenti**. (2)

[20]

SAMBA SIGABA: 40
SAMBA SAKO KONKHE: 80

